



Møtebok for Radøy eldreråd

Møtedato: 15.02.2018
Møtested: Kommunestyresalen
Møtetid: 11.00

Frammøtte medlemmer	Rolle
Norvald Elvik	Medlem
Magnar Klausen	Medlem
Oddbjørg Dragøy	Medlem
Berit Grindheim	Medlem
Torill Helland	Medlem
Laila Seilfaldet Pletten	Medlem

Andre møtande

Konsulent Ingvar Rolstad frå RO senteret, arealplanleggjar Rolf Raknes, varaordførar Jostein Borlaug, møtesekretær Anne Dahle Austrheim

Underskrifter:

leiar

Anne Dahle Austrheim
møtesekretær

Sakliste

Saknr	Tittel
001/2018	Godkjenning av innkalling og sakliste
002/2018	Godkjenning av møtebok
003/2018	Meldingar og referatsaker
004/2018	Endringar i postomberinga - høyring
005/2018	Retningslinjer for prioritering ved utleige av Radøyhallen

Radøy kommune

Saksframlegg

Saknr	Utval	Type	Dato
001/2018	Radøy eldreråd	PS	15.02.2018

Sakshandsamar	Arkivsaknr.:	Dokumentnr.:
Arthur Kleiveland	18/273	18/1859

Godkjenning av innkalling og saksliste

Saksopplysingar:

Framlegg til vedtak:

Innkalling og saksliste vert godkjend.

Radøy eldreråd - 001/2018

ELD - handsaming:

Eldreådet godkjende innkalling og saksliste.

ELD - vedtak:

Innkalling og saksliste vert godkjent

Radøy kommune

Saksframlegg

Saknr	Utval	Type	Dato
002/2018	Radøy eldreråd	PS	15.02.2018

Sakshandsamar	Arkivsaknr.:	Dokumentnr.:
Arthur Kleiveland	18/273	18/1696

Godkjenning av møtebok

Saksopplysingar:

Det vert lagt fram møtebok for Radøy eldreråd 4. desember 2017.

Framlegg til vedtak:

Møtebok vert godkjend

Radøy eldreråd - 002/2018**ELD - handsaming:**

Rådet godkjende møtebok frå møte 4. desember 2017.

ELD - vedtak:

Møtebok vert godkjent.

Vedlegg:

Møtebok eldrerådet 4. desember 2017

Protokoll - Radøy eldreråd - 04.12.2017

Radøy kommune

Saksframlegg

Saknr	Utval	Type	Dato
003/2018	Radøy eldreråd	PS	15.02.2018

Sakshandsamar	Arkivsaknr.:	Dokumentnr.:
Arthur Kleiveland	18/273	18/1697

Meldingar og referatsaker

Saksopplysingar:

Det vert lagt fram følgjande meldingar og referatsaker:

- Orientering om kommunedelplan for helse og omsorg – saman med arbeidsgruppa som utarbeidar planen.
- Orientering om ny kommune – status og framdrift
- Orientering om diverse planarbeid – v/arealplanleggar Rolf Raknes
- Orientering om bustadsosial handlingsplan

Framlegg til vedtak:

Meldingar og referatsaker vert tekne til orientering

Radøy eldreråd - 003/2018

ELD - handsaming:

Konsulent Ingvar Rolstad orienterte om arbeidet og utfordringar knytt til utarbeiding av kommunedelplan for helse og omsorg. Han svara på spørsmål og han ba om innspel frå råda. Kommunedelplanen for helse og omsorg har eit 8 års perspektiv. Rolstad peika på utfordringa som ligg i å tenkja langt fram og samtidig nært. Planen dekkjer heile kommunen sitt ansvar for helse og omsorg – førebygging, tiltak, behandling.

Mellom anna peika råda på utfordringa knytt til demens, og at det er stadig yngre menneske som blir ramma. Fordi me bli fleire eldre, vil demens også ramma fleire. Konsulenten sa at det generelt sett er eit for dårleg tilbod til unge med demens.

Utvikling av omsorgsteknologi vil også vera eit viktig tema i helse- og omsorgsplanen. Medlemane i råda er oppteken av å få ut informasjon til aktuelle brukargrupper og pårørande og folk flest, om kva omsorgsteknologi i praksis vil innebera. Det vart også peika på at ein ressurskrevande brukarar ikkje vil kunne dra nytte av omsorgsteknologi.

Behovet for førebyggjande tiltak vart framheva, og konsulenten sa at både førebygging og folkehelse blir viktige element i planen.

Ingvar sa at det blir ei utfordring å få tak i nok hender til omsorg i Radøy. Lindås og Meland er i same situasjon. Kommunane har avgrensa økonomiske ressursar og utfordringa vil vera å få tak i medarbeidarar med rett kompetanse. Det er sannsynleg at det på landsbasis i 2040 vil mangla 40.000 omsorgsarbeidarar.

Dugnad og frivillig innsats vert omtalt i planen. Medlemane i råda er opptekne av å få større fokus på frivillig arbeid, mellom anna i form av at tilsette som blir pensjonistar vil kunne vera ein god ressurs. Det vart peika på at friske eldre kan vera eit bidrag i omsorgsyрка - evt. med ei form for kompensasjonsordning.

Konsulenten meiner dessutan det er altfor mange som jobbar deltid i omsorgsyрка, og ser eit betydeleg potensiale for at fleire kan jobba fulle stillingar.

Medlemane i råda meiner det er viktig å løfta blikket og samarbeida på tvers av sektorar for å utnytta den samla kompetansen i kommunen. Dei er også opptatt av kor viktig det er at omsorgsyрка vert framsnakka, slik at ungdom blir motiverte til å velja desse yrka. Dei peikar på at det kan bli for mykje klaging og syting om lange vakter og for låg løn, og for lite fokus på alle dei positive sidene ved å jobba i omsorgssektoren.

I råda vart det også stilt spørsmål om kven som gjev svar på søknader om hjelp. Det vart peika på at brukarar opplever at dei ikkje får svar, og ikkje nokon grunn for kvifor.

Kommunedelplan for helse og omsorg skal ut på høyring i løpet. Medlemane i råda vil få tilsendt planen i god tid, og får planen til høyring. Planen skal endeleg godkjennast i kommunestyret i junimøtet.

Planarbeid - status: Arealplanleggar Rolf Raknes orienterte om ulike planar som er under arbeid i kommunen, både i kommunal og privat regi. Han opplyste at kommunen i planarbeidet er i til dels ganske krevjande dialog med regionale styresmakter for at det ikkje skal bli retta motsegn mot planen.

Raknes trekte mellom anna fram kommunedelplan for Bø, kloakkreinseanlegg Mangersvågen, delrevisjon av kommuneplan og Veg Marås – Soltveit.

Alver kommune: Varaordførar Jostein Borlaug orienterte om arbeidet i fellesnemnda. No er leiargruppa rundt programansvarleg/rådmann Ørjan Raknes Forthun på plass. Ulike arbeidsgrupper og komitear er sett ned, og fleire vil koma. Mellom 80 og 100 prosjekt skal gjennomførast på veg mot Alver kommune.

Bustadsosial handlingsplan: Det vart ikkje orientert om utkast til bustadsosial handlingsplan i dette møtet, fordi planarbeidet ikkje er avslutta. Råda er opptatt av å få planen framlagt når den er ferdig. Det vert mellom anna peika på at det er mangel på bustader til vaksne funksjonshemma. Råda etterspurde også status og framdrift for kartlegging innanfor Omsut.

Rådet tok meldingar og referatsaker til orientering, med dei tillegg som kom fram i møtet.

ELD - vedtak:

Meldingar og referatsaker vert tekne til orientering.

Radøy kommune

Saksframlegg

Saknr	Utval	Type	Dato
004/2018	Radøy eldreråd	PS	15.02.2018
004/2018	Råd for menneske med nedsett funksjonsevne	PS	15.02.2018

Sakshandsamar	Arkivsaknr.:	Dokumentnr.:
Arthur Kleiveland	18/265	18/1690

Endringar i postomberinga - høyring

Saksopplysingar:

Bakgrunn

Som følge av store endringar i postmarknaden meiner Samferdselsdepartementet at det er nødvendig å vurdere alternative løysingar for leveringspliktige posttenester i framtida. Departementet meiner det no er kome til eit punkt der kostnadane knytt til dagens servicenivå blir så høge at krava til dei leveringspliktige posttenestene må reduserast. Departementet gjer difor framlegg om å redusere kravet til omdeling av postsendingar frå 5 dagar i veka til omdeling annan kvar dag i heile landet.

Forslaget inneber at omdeling av post skal skje i ein to veker-syklus – måndag, onsdag og fredag ei veke – tysdag og torsdag den neste.

Samferdselsdepartementet har sendt endringar i postomberinga ut på høyring.

Formannskapet hadde høyringa som meldingssak i møtet 25. januar. Formannskapet oppmodar eldrerådet og råd for menneske med nedsett funksjonsevne om å koma med innspel som i neste omgang kan leggst til grunn i ein uttale frå formannskapet.

Høyringsnotat drøftar korleis krava til leveringspliktige posttenester skal endrast i takt med samfunnet sine behov for posttenester. Me sender stadig færre brev med post. Sjølv om marknaden for småpakkar levert i postkassane veks noko, kompenserer ikkje dette på langt nær fallet i brevmengda.

Postombering anna kvar dag er eitt av fire ulike alternativ som konsultentselskapet Copenhagen Economics har utgreidd og lagt fram for departementet. Ein reduksjon av tal omdelingsdagar til annan kvar dag er rekna ut vil redusere staten sine kostnader til kjøp av såkalla «ulønnsame posttenester» med rundt 500 mill. kroner årleg frå 2020 – og ca 650 mill. frå 2025.

Samtidig er det grunn til å peika på at færre dagar med postombering i veka vil få konsekvensar, særleg for enkelte grupper. I ei utgreiing som selskapet Copenhagen Economics har gjort for departementet vert det peika på at ein del eldre og rørslehemma i spreiddbygde stork i særleg grad vil få negative konsekvensar av redusert postombering. Dette er personar som ikkje har tilgang på alternativ til Posten til ein overkomeleg pris og som heller ikkje har digital kompetanse. Denne gruppa vil oppleve negativ effekt av endra omdelingsfrekvens for t.d. framsendingstid for papiraviser og medisiner.

Departementet peikar i høyringsnotatet på at alle framleis vil kunne få tilsendt aviser og medisiner gjennom bruk av det ordinære tenestetilbodet. Ved innføring av postdistribusjon annan kvar dag, vil leveringstida auka med éin dag for 50 pst av sendingane. Departementet meiner dette normalt sett vil vera tilstrekkeleg for dei fleste apotekkundar som mottar desse sendingane, med mindre det er forhold som tilseier at distribusjonen hastar meir.

Stortinget slutta seg i fjor til at det på grunn av svært lågt behov for framsending av medisiner over natta ikkje skal opprettast spesialløysingar for sending av medisiner ved overgangen til éin brevstraum (Prop. 131 S (2016-2017)). På denne bakgrunn er overgangen til postomdeling annan kvar dag, som vil gje auka leveringstid på éin dag for 50 pst. av sendingane, ein mindre endring enn overgangen til éin brevstraum, vert det konkludert med i høyringsnotatet frå departementet.

Frakt av prøvemateriale frå legekontor og inn til laboratoria for analyse vil verta berørt av omstillingar i postmarknaden. Når det gjeld reduksjon i tal omdelingsdagar, vil dette etter departementet si vurdering berre påverka utdeling til laboratoria i den grad desse opererer med gateadresser og ikkje postboksadresser. Forsendingar som hastar vil såleis måtte sendast til ei postboksadresse, eller ein må nytta tenesta Bedriftspakke ekspress over natt.

Departementet gjer det klart at det i forslaget som no vert sendt på høyring, ikkje er lagt opp til å innføra særskilde kompenserande tiltak gjennom postlovgevinga. Dette skuldast mellom anna at det finst kommersielle tilbod i marknaden som vil kunne sikra eit høgare servicenivå ved behov, og at det kan vurderast meir målretta kompenserande tiltak innanfor det enkelte sektorområde.

Administrasjonen legg saka fram til drøfting og vedtak utan tilråding.

Framlegg til vedtak:

Saka vert lagt fram til drøfting og vedtak utan tilråding

Radøy eldreråd - 004/2018

ELD - handsaming:

Rådet meiner det må vera fleire enn 30.000 personar som skadelidande ved at postomberinga blir redusert. Rådet fryktar at postombering annan kvar dag (3 dagar ei veke - to dagar den neste), vil få konsekvensar for mange - ikkje minst innanfor eldre og menneske med nedsett funksjonsevne. Rådet reagerer også på at departementet ikkje vil setja inn kompenserande ordningar for dei som blir sterkt ramma.

Rådet har forståing for at postomberinga kan bli endra, men meiner forslaga til reduksjonen er for omfattande. Rådet meiner bestemt at sårbare grupper sine behov for postombering må ivaretakast på ein langt betre måte enn det er lagt opp til i høyringa.

Det vert mellom anna peika på at det framleis er mange - særleg eldre, som ikkje har tilgang til nettbank. Særleg i distrikta kan det vera krevjande for t.d. rørslehemma å koma seg butikk for å henta post og viktig medisin.

Rådet for menneske med nedsett funksjonsevne og eldrerådet kjem med følgjande felles uttale til høyring om endring i postomberings-frekvensen:

Råda vil i første omgang peika på at ein har forståing for at det er økonomisk ulønsamt å halda fram med postombering 5 dagar i veka med bakgrunn i den stadig aukande digitaliseringa. Likevel ser me det som naudsynt at det i enkelte område og for utsette grupper er naudsynt med kompensasjon for

reduksjon i tilbodet. Dette gjeld spesielt menneske med nedsett funksjonsevne og mange eldre. I Samferdselsdepartementet sin uttale kjem det fram at ei gruppe på maksimalt 30.000-35.000 personar vil verta råka. I denne gruppa er det eldre og rørslehemma som vert nemnd. Råda vil peika på at det ikkje utelukkande er personar med rørslehemming og alderdom som vert råka. Det er fleire grunnar til at personar kan ha nedsett funksjonsevne, og me ber om at ein ser på desse tala på nytt. I følgje rapporten «Dekningsanalysen 2017» som det vert referert til, har 99,98 % av alle husstandar i Noreg eit tilbod om breidband med minimum 4 Mbit/s nedstraums hastigheit. Dei resterande husstandane som manglar tilbodet vil vera færre enn 1000 i følgje denne rapporten. Råda meiner at dette ikkje gjenspeglar reell dekning, då informasjon om dekning berre er rettleiande og ikkje vil vera nokon garanti for at det faktisk er dekning enkelte stader. Teoretiske berekningar om dekningsgrad seier ikkje noko om dei faktiske forhold, og råda meiner difor at mengd husstandar som ikkje har reell nett-tilgang er større enn det som vert rapportert. Dette vil etter vår meining ramma fleire. Det vert oppfatta slik at det uansett ikkje vil vera gjennomførbart med dagens postombering. Råda stiller seg difor bak forslaget om ombering annankvar dag. Me meiner at det ikkje vil vere tenleg å berre levera post ein dag i veka.

Me ser ikkje at Posten kan koma utanom kompenserande tiltak til sårbare grupper ved innføring av redusert tilbod. Sjølv om ein oppfordrar til leige av postboks, vil det til dømes for mange vera vanskeleg å koma seg til postboksen, spesielt i distrikta. Me stiller oss og undrande til at ein refererer til betalingsvilje dersom sendinga er viktig nok. Dette vil nok vera gjeldande for ressurssterke personar, medan det for ressursvake vil ha motsett effekt.

ELD - vedtak:

Rådet for menneske med nedsett funksjonsevne og eldrerådet kjem med følgjande felles uttale til høyring om endring i postomberings-frekvensen:

Råda vil i første omgang peika på at ein har forståing for at det er økonomisk ulønsamt å halda fram med postombering 5 dagar i veka med bakgrunn i den stadig aukande digitaliseringa. Likevel ser me det som naudsynt at det i enkelte område og for utsette grupper er naudsynt med kompensasjon for reduksjon i tilbodet. Dette gjeld spesielt menneske med nedsett funksjonsevne og mange eldre. I Samferdselsdepartementet sin uttale kjem det fram at ei gruppe på maksimalt 30.000-35.000 personar vil verta råka. I denne gruppa er det eldre og rørslehemma som vert nemnd. Råda vil peika på at det ikkje utelukkande er personar med rørslehemming og alderdom som vert råka. Det er fleire grunnar til at personar kan ha nedsett funksjonsevne, og me ber om at ein ser på desse tala på nytt. I følgje rapporten «Dekningsanalysen 2017» som det vert referert til, har 99,98 % av alle husstandar i Noreg eit tilbod om breidband med minimum 4 Mbit/s nedstraums hastigheit. Dei resterande husstandane som manglar tilbodet vil vera færre enn 1000 i følgje denne rapporten. Råda meiner at dette ikkje gjenspeglar reell dekning, då informasjon om dekning berre er rettleiande og ikkje vil vera nokon garanti for at det faktisk er dekning enkelte stader. Teoretiske berekningar om dekningsgrad seier ikkje noko om dei faktiske forhold, og råda meiner difor at mengd husstandar som ikkje har reell nett-tilgang er større enn det som vert rapportert. Dette vil etter vår meining ramma fleire. Det vert oppfatta slik at det uansett ikkje vil vera gjennomførbart med dagens postombering. Råda stiller seg difor bak forslaget om ombering annankvar dag. Me meiner at det ikkje vil vere tenleg å berre levera post ein dag i veka.

Me ser ikkje at Posten kan koma utanom kompenserande tiltak til sårbare grupper ved innføring av redusert tilbod. Sjølv om ein oppfordrar til leige av postboks, vil det til dømes for mange vera vanskeleg å koma seg til postboksen, spesielt i distrikta. Me stiller oss og undrande til at ein refererer til betalingsvilje dersom sendinga er viktig nok. Dette vil nok vera gjeldande for ressurssterke personar, medan det for ressursvake vil ha motsett effekt.

Vedlegg:

Høyring om endringar for omdelingsfrekvens av post
høyringsnotat Posten - færre leveringsdagar

Radøy kommune

Saksframlegg

Saknr	Utval	Type	Dato
023/2017	Radøy eldreråd	PS	04.12.2017
022/2017	Råd for menneske med nedsett funksjonsevne	PS	04.12.2017
005/2018	Radøy eldreråd	PS	15.02.2018
005/2018	Råd for menneske med nedsett funksjonsevne	PS	15.02.2018

Sakshandsamar	Arkivsaknr.:	Dokumentnr.:
Anne Dahle Austrheim	17/2109	17/14699

Retningslinjer for prioritering ved utleige av Radøyhallen

Saksopplysingar:

Bakgrunn

Radøyhallen er eit kommunalt idrettsanlegg som består av idrettshall («handballstorleik»), 25-meters basseng, terapibasseng og skytebane. I tilknytning idrettshallen ligg også ungdomens hus med kjøkken og sosialt rom.

Desse retningslinjene gjeld ikkje skytebana, som vert disponert av Radøy skyttarlag, og ungdomens hus, som vert disponert av Radøy ungdomsklubb.

Det er mange leigetakarar i Radøyhallen, og det er trong for gode retningslinjer for prioritering ved utleige slik at tildeling av leigetid skal vere lettare å administrere, og gje gode, føreseielege rammer for leigetakarane.

Vurdering

I folkehelseperspektiv er Radøyhallen ein viktig arena og det er trong for å ha gode retningslinjer for korleis ein administrerar tildeling av tid i hallen. Det er lagt opp til eit sett reglar for prioritering av fordeling av tid i idrettshall og 25-meters basseng og eit sett reglar for prioritering av tid i terapibasseng.

Fordeling av tid i idrettshallen og 25-meters bassenget skal prioriterast i følgjande rekkjefølgje:

1. *Idrettslege aktivitetar for born og unge i regi av Radøy kommune eller lag og organisasjonar i kommunen.*
2. *Idrettslege aktivitetar for vaksne i regi av Radøy kommune eller lag og organisasjonar i kommunen.*
3. *Aktivitetar i regi av andre aktørar som held til i Radøy kommune.*
4. *Aktivitetar i regi av andre aktørar som held til i Radøy kommune.*
5. *Aktivitetar i regi av aktørar utanfor Radøy kommune.*

Fordeling av tid i terapibassenget skal prioriterast i følgjande rekkjefølgje:

1. *Aktivitetar for menneske med nedsett funksjonsevne i regi av Radøy kommune*
2. *Aktivitetar for menneske med nedsett funksjonsevne i regi av lag og organisasjonar i*

kommunen.

3. *Aktivitetar for menneske med nedsett funksjonsevne i regi av private aktørar i kommunen.*
4. *Aktivitetar for andre brukargrupper i kommunen*
5. *Aktørar utanfor kommunen*

Retningslinene seier og noko om korleis fordeling av faste leigetider og leige til enkeltarrangement skal gå føre seg. Det er og tatt med kva forventningar Radøy kommune har til leigetakarar.

Konklusjon

Rådmannen legg retningsliner for prioritering ved utleige av Radøyhallen fram til drøfting i Råd for menneske med nedsett funksjonsevne og Eldrerådet.

Vedtak:

Radøy eldreråd - 023/2017

ELD - handsaming:

Saka vart ikkje drøfta, og vart utsett til neste møte.

ELD - vedtak:

Saka er utsett til neste møte.

Radøy eldreråd - 005/2018

ELD - handsaming:

Eldrerådet slutta seg til prinsippa i administrasjonen sitt framlegg.

ELD - vedtak:

Eldrerådet sluttar seg til prinsippa i administrasjonen sitt framlegg.

Vedlegg:

Retningsliner for prioritering ved utleige av Radøyhallen (3)